

畿輔通志卷一百四十一

略九十六

金石四

順天四城保定

房山

霸州

文安

大

房山縣

隋

智泉寺舍利塔碑

石經山多古碑一隋仁壽元年王臣疎碑

帝京景物略

仁壽元年王臣疎撰房山雷音洞

碑目 畿輔

王臣疎撰正書仁壽元年直隸房山

續寰宇訪碑錄

智泉寺舍利感應碑

石經山隋碑二一仁壽元年王臣疎碑

帝京景物略

仁壽元年王臣疎撰房山雷音洞

碑目 畿輔

王臣疎撰正書仁壽元年直隸房山

續寰宇訪碑錄

舍利石函刻字

萬曆壬辰建觀和尚啟洞石拜經石下有穴藏石函一上
刻大隋大業十二年歲次丙子四月丁卯朔八日甲子於
此函中安置佛舍利三粒願住持永劫三十六字

帝京景物略

大業十二年四月刻明萬曆間得之

京畿金石考

謹案丁卯朔八日甲子兩支不合隋書煬帝紀大業十
二年四月有丁巳五月丙戌朔以丙戌上推則四月無
丁卯再以八日甲子上推則朔日當屬丁巳蓋是年四
月小建故五月朔屬丙戌則此卯字乃巳字之誤

唐

雷音洞石刻大涅槃經一百二十石

隋沙門靜琬發願造十二部石經至國朝貞觀五年涅槃

經成

唐劉濟涿鹿山石經堂記

幽州沙門釋淨琬精有學識於隋大業中發心造石經一

藏以備法滅遂於幽州西南白帶山上鑿爲石室以石勒

經藏諸室內滿卽用石塞戶以鐵錮之其後雖成其志未

滿其願以唐貞觀十三年奄化歸真

遼趙遵仁續鐫四
大部經記引古碑

涿郡西北五十里白帶山陽雲居寺自隋朝所建寺之東

有峯最高故曰東峯頂上有石室七馬經貯是室太平七

年樞密直學士韓公諱紹芳牧是州於石室間取出經碑

驗名對數得大涅槃經一部全四十卷計碑一百二十條

遼趙遵仁續鐫
四大部經記

北齊南岳慧思大師慮東土藏教有毀滅時發願刻石藏

闕封巖壑中坐下靜琬法師承師付囑自隋大業迄唐貞

觀大涅槃經成

帝京景物略

房山石經刻之自隋初見查禮游懋題上方二山日札所記石刻佛經甚詳聞而歆慕之常屬西路同知蔣雲師訪榻云是碑聚於瓦礫之中洗剔塵沙必得數十人數十日之功不能辦而止查君之游石經洞在乾隆丙辰僅逾數十年而碑已難搨如此

金石萃編

開皇中靜琬鑿石刻經一藏僅成大涅槃而卒唐宋皆續刻

京畿金石考

謹案以上各說均詳明可據蓋隋靜琬所造成者僅涅槃經一種其餘皆後人續造者他著錄家以房山石經皆靜琬所造列在隋代誤矣趙之謙復以慧思發願刻經乃悉定爲北齊時造更誤

小西天洞藏舍利石函記

唐靜琬碑記貞觀八年立在石洞壁上

京畿金石考

僧靜琬撰正書大業十二年直隸房山

續寰宇訪碑錄

唐舍利石函蓋記貞觀八年靜琬撰房山

碑目 畿輔

謹案三說不同續訪碑錄及碑目皆與隋石函刻字混而爲一故一誤作大業十二年一誤作石函蓋記故金石考兩存之

龐德相造金剛般若經

龐德相造經記

石經洞外袁敬金剛經碑石座有字碑寬而座窄題名多龐姓是龐姓造像金剛經碑座袁敬有碑而無座龐德相有座而無碑後人遂兩合之耳一面貼崖腳惟一面在外

有字可辨兩面砌碎石掘土取石用水刷洗遂拓得三面
乃唐垂拱元年爲父懷造其文略云公諱懷字伯口其先
南安郡人曾祖光魏雁門郡丞祖安齊魏州昌樂縣令父
謙隋定州別駕公以光宅元年十月終於私第春秋七十
九有子德相等敬爲父鑄造金剛般若經一部以垂拱元
年四月八日畢功送經於山寺之頂

石經山
訪碑記

龐德相造經題名

記後題王上柱國龐德相侯弟長上果毅上護軍德立弟
柱國名立弟左金吾翊衛立表等名石粗斑駁細審可讀
地勢逼仄未能精拓又未能出土故錄之

石經山
訪碑記

僞周刻金剛等經碑

僞周刻佛經

僞周宋小兒造象

石經洞之右又有金剛般若波羅密經二

懸題上方
山游記

宋小兒造象金剛經碑四面刻經題清信女宋小兒敬造
上金輪聖神皇帝及師僧父母二碑俱無年月皆唐刻也
壁爲則天造字是則天年間物經文無則天字與他碑不

同

石經山
訪碑記

俱在雷音窟石室門西正書無歲月宋小兒造象即在佛
經碑之首佛象旁題云清信女宋小兒奉爲金輪神聖皇
帝父母師僧云云知爲武后時物古造象往往與勒石佛
經連屬一碑而實非同時此宋小兒題名與前經是一是

二未可臆斷

游房山
日記

金剛經碑

袁敬造象

左洞外袁敬造象金剛經碑四面刻經題朝議郎范陽縣

令平輿縣開國子袁敬一經之碑供奉

石經山訪碑記

正書無年月在雷音窟石室門東

游房山日記

王璵造石浮圖頌

石經山唐碑五一景雲二年甯思道碑

帝京景物略

幽州石浮圖記景雲二年甯思道書房山

續通志金石略

小西天西峪大雲居寺有塔二在寺北者曰北塔塔下四

角有唐時小石塔四旁刻銘頌西北角者爲景雲二年甯

思道書撰人名嵌入牆中不可考

懋題上方山游記

在房山縣文云唐中興七年歲次辛亥此以中宗復位爲

中興元年故以景雲二年辛亥爲唐中興七年

平津讀碑記

甯思道撰正書景雲二年四月西峪雲居寺東小塔上西

北面

金石錄
城編

北塔旁四角皆有石浮圖門刻侍者內貯石佛西北角王

璪造甯思道書景雲二年有斷裂痕字稍漫漶

石經山
訪碑記

田義起造石浮圖頌

石經山五唐碑一太極元年王利貞碑

帝京景
物略

果毅都尉田義起浮圖頌太極元年王利貞撰房山

續通
志金

石
略

西域雲居寺北塔下四角有唐時小石塔四旁刻銘頌西

南角者爲太極二年王利貞文無書人名

懋題上方
山游記

王利貞撰正書太極元年四月立

京畿
金石考

王利貞文行書太極元年四月直隸房山

寰宇誌
碑錄

右碑題大唐易州石亭府左果毅都尉薊縣田義起石浮
圖頌太極元年四月八日建爲文者慙陽丞王利貞也考
唐書地理志易州軍府有古亭無石亭蓋字相涉而誤爾
府兵之制唐中葉已廢地理志所載諸府名已不能詳雍
州置府百三十一志止得其十一餘皆逸之此碑未載義
起弟義冲雍州興國府右果毅都尉於是又知有興國府
之名故史家不可以不博聞也碑以薊爲薊亦異文

潛研堂金

石文
跋尾

碑高二尺八寸七分廣二尺八寸其二十行行十九字至
二十二字不等行書

金石萃編

在房山縣碑用孝乎惟孝與楊珣碑同亦論語古讀之一

證

平津讀
碑記

田義起浮圖頌王利貞撰行書太極元年四月雲居寺塔

上西南面

金石分域編

北塔東南角石浮圖田義起造王利貞撰太極元年

石經山訪

碑記

謹案寰宇訪碑錄分域編皆作行書金石萃編詳載每行字數乃行書體格金石考作正書誤

石浮圖銘

雲居寺石經山頂石浮圖銘釋元奘撰正書開元九年四

月在山頂曝經臺

金石分域編

曝經臺石壁西刻劉元望浮圖銘開元九年

石經山訪碑記

雲居寺山頂浮圖頌開元九年元奘撰房山

碑目畿輔

謹案釋元奘乃貞觀時僧人此浮圖乃開元時所造分

域編作元樊所撰疑誤訪碑記乃石景芬親歷其地目
覩存石始載筆者當較他書爲可信也

碑陰

正書在山頂曝經臺

金石分域編

李文安造石浮圖頌

石經山五唐碑一開元十年梁高望碑

帝京景物略

右碑梁高望書開元十年四月今在房山

金石文字記

西域雲居寺北塔下有唐時小石塔四旁刻銘頌東北角

者爲開元十年梁高望書無撰人名

懋題上方山游記

碑高三尺九寸七分廣二尺九寸五分十入行行二十二

字行書

金石萃編

梁高望行書開元十年四月直隸房山

寰宇訪碑錄

文安結銜稱易州新安府折衝新唐書地理志易州有新
安府末題易州前遂城縣書助教梁高望書新唐書百官
志書學助教一人掌教八品以下及庶人子爲生者

平津讀碑

續記

梁高望行書開元十年四月雲居寺塔上東北面

金石分域編

北塔東北角石浮圖李文安造梁高望書開元十年

石經山訪

碑記

謹案本碑題云清信士易州新安府折衝都尉李文安
於范陽縣西雲居寺爲亡妻河東郡君薛氏敬造石浮
圖一所開元十年四月八日建易州前遂城縣書助教
梁高望書又案薛字唐以前皆書作薛釋家薩字唐以
前字書皆無之當是薛字傳寫之訛也

鄭元泰造石浮圖銘

石經山唐碑五一開元十五年王大說碑

帝京景物略

寺墀中列唐人建石浮圖四皆勒碑其上一開元十年助

敎梁高望書一開元十五年太原王大悅書一景雲二年

寧思道書一太極元年王利貞書

周忱雙厓集

西域雲居寺北塔下有小石塔四旁刻銘頌東南角者爲

開元十五年王大悅撰無書人名燕都游覽志云王大悅

撰并書非也

懋題上方山游記

石高三尺七寸五分廣二尺十二行行二十六字正書在

易州

金石萃編

王大悅撰正書開元十五年二月直隸房山

寰宇訪碑錄

在易州太原王大悅撰碑稱鄭氏字元泰今范陽人新唐

書地理志無范陽縣元和郡縣志范陽故城秦范陽縣也

在易州易縣東南六十二里以在范水之陽故名平津讀碑記

雲居寺石浮圖頌王大悅撰正書開元十五年二月雲居

寺塔上東南面金石分編域

北塔西南角石浮圖鄭元泰造王大悅撰開元十五年石經

山訪碑記

唐石浮圖四今均存雙厓集云在寺墀中今皆在寺後之

左羅漢塔之四隅疑今寺已非古處矣游房山日記

謹案在易縣東南六十里之范陽即隋書地理志所稱

俗號小范陽開皇初已改爲迴者其後不復名范陽此

碑所云乃唐之范陽自在涿郡與易無涉洪氏云新書

地理志無范陽已誤而元和郡縣志河北已缺幽州嘉

慶間嚴觀始補之然其書亦無范陽故城一節不知洪氏何據至此石實在房山雲居寺乃萃編及讀碑記均因此而云在易州則誤之又誤矣

房山湯泉記

張嘉貞撰開元十五年四月立

京畿金石考

湯泉記開元十五年張嘉貞撰房山

畿輔待訪碑目

在龍城峪

游房山日記

金仙公主奏石刻

曝經臺石壁北面刻金仙公主奏開元十八年

石經山訪碑記

金仙長公主譯經施田奏王守泰正書開元十八年直隸

房山

續寰宇訪碑錄

大房山投龍壁記

開元二十七年張謐撰并書房山碑目

嚴輔

謹案碑目標題云呂慎盈大房山投龍壁記而別有撰書人名與呂慎盈全不干涉殆張謐爲呂慎盈撰者耶

山頂石浮圖後記

王守泰行書開元二十八年四月今在房山縣記金仙公主奏賜譯經四千餘卷并范陽縣東南五十里上垞村趙

襄子浞中麥田莊并果園一所及環山林麓

金石文
字記

案前云開元十八年金仙長公主爲奏聖上云云唐書公主傳睿宗第九女金仙公主始封西城縣主景雲初進封太極元年與玉真公主皆爲道士以方士史崇元爲師當開元時公主旣爲道士未嘗進封長公主此稱長公主後又有御書神道碑亦稱長公主蓋皆以元宗之妹而尊稱